



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 44. Montpessulani Episcopi Zelus contra Jansenistas.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

„sua Majestas mandat, ut dicta dispo- Sæc. XVIII.
 „silio Parlamentaris Decreti, habeatur A. C. 1740.
 „pro nulla ac si non emanasset; &
 „prohibet, eam mandari executioni,
 „ullamque vi illius ferri sententiam,
 „idque sub pœna nullitatis.„

§. XLIV.

*Montpessulani Episcopi Zelus contra
 Jansenistas.*

Porro Georgius Lazarus Berger de
 Charency, qui Carolo Colberto de
 Croyssy in Montpessulano Episcopatu
 successerat, extremos adhibuit cona-
 tus, ut Ecclesiam suam per prava
 Prædecessoris sui dogmata & exempla
 Jansenianis erroribus turpiter fædatam
 purgaret. Eo fine anni prioris die se-
 ptima Martii decretum promulgari jus-
 sit, quo omnibus & singulis injunctum,
 ut Alexandri VII. P. formulæ subscribe-
 rent. Paruere potissimi, nihilominus ta-
 men alii pro indomito suo ingenio ac jugi
 impatiente animo palam obfistebant,
 atque inter alios Villebrunius Mont-
 pessulanæ Urbis ad S. Annam Parochus
 Episcopi decretum, uti jussus erat,
 promulgare renuit; unde propter per-
 vicaciam suam in Ecclesiastico foro
 causam suam dicere compulsus est:
 hic vero ad Parisinæ Curiaë Advocatos

R r a con-

Sæc. XVIII. confugit, qui etiam in Parochi favo
 A. C. 1740. rem die vigesima nona Maij contra
Episcopum, ejusque decretum propu-
 diosam ediderunt consultationem. In
 ea præprimis contra Ecclesiæ decisio-
 nem audacter jactitabant, juris & facti
 distinctionem, quam Parochus aliique
 in subscriptione Formulæ adhibuissent,
 immotis atque inconcussis fidei sanæ-
 que rationis fundamentis inniti, no-
 vum hunc Episcopum præfatam distin-
 ctionem inepte erroribus in fide accen-
 suisse, ac insulsius contra rei eviden-
 tiam pronuntiare ausum, quod Ecclesia
 suam de facti quæstione mentem &
 sensum palam edixisset, eos quoque,
 qui huic distinctioni suffragarentur, im-
 merito pro excommunicatis ab Episcopo
 fuisse habitos, id tamen nulla ratione
 valida probari posse &c. His aliisque
 fusius expositis Advocati in immensas,
 atque amplissimas Colberti Episcopi
 defuncti laudes sese diffundebant, ejus
 vero Successorem indignissimis probris
 exagitabant: Ceterum hic Episcopus,
 quo pronius horum odia beneficiis vin-
 cere studebat, eo acriori Zelo Dei ac
 Ecclesiæ causam defendere intentus
 erat, cumque inter chartas Archidia-
 seniani cujusdam Curionis ex Dæcesi
 Montpessulana Anno 1736. die vgesi-
 ma septima Augusti binæ schedæ pro-
 pria

Sæc. XVIII.
A. C. 1740.

pria ipsius manu exaratæ fuissent reper-
tæ sub hoc titulo. I. *Constitutiones seu
secretum Jansenismi.* II. *Epistola encyc-
lica ad Discipulos S. Augustini* cum hac
subscriptione: *Humillimi & addictissimi
in Jesu Christo Sacerdotes in Portu Regio
Discipuli S. Augustini,* utrumque autem
scriptum perverissimas doctrinas, præ-
cepta ac monita de ratione agendi
cum vario hominum genere sacri ac
profani Ordinis eo fine congesta con-
tinerentur, ut fideles depravarentur,
atque una omnes Jansenismo initia-
rentur, hinc Episcopus ex his scrip-
tis occasionem atque argumentum
deprompsit, ut hoc anno die vigesi-
ma quarta Septembris Pastoralem
quam postea referemus, Epistolam ple-
nam in lucem daret, in qua ardenti
Religionis Catholicæ studio malignas
Jansenistarum artes, fallacias, & sub
specioso pietatis ac severioris disciplinæ
velamento latens nequitix venenum
detexit, omnesque suos fideles paterno
affectu hortatus est; ut qui hæcenus
suam credulitatem pietatemque a pes-
simis sub ovina pelle incedentibus Im-
postoribus circumveniri passi essent, nunc
voce Pastoris sui ab errore ad veritatis
femitam revocati, ad Ecclesiæ Matris
suæ obsequium reverterentur. Postea
ad varias Jansenistarum artes, dogmata,
ac præstigias descendens, præcipue

Rr 3

ex-

Sæc. XVIII.
A. C. 1740.
exagitabat turpissimam eorum nundinationem, qua præfenti ac furtivo ære fideles ad appellandum a Constitutione sollicitabant. Infamis hujus quæstus testem produxerat Episcopus Jacobum Servienum Lugdunensem, qui a Jansenistis conductus, appellationes & appellantes pecuniis coemit, ærarii Janseniani Procurator; ast propterea ad triremes damnatus, post aliquot annos suam appellationem retractavit, impiamque hanc nundinationem ipsemet fassus, detestatusque est. Pariter Laudanensis Episcopus pro ardenti suo Religionis Zelo, & reverentia erga summi Pastoris decisiones novam edidit Instructionem Pastoralem, in qua suos diæcesanos docuit, quid agendum cum iis, qui notorie Constitutioni sunt rebelles; ast Parlamentum denuo prohibuit denegare Sacramenta & Sepulturam Ecclesiasticam propter appellationem.

§. XLV.

Benefica Clementis XII. sollicitudo pro populo Romano.

Interim Clemens Pontifex, qui in Apostolica universæ Ecclesiæ cura consenuerat, postremis etiam vitæ suæ diebus paternæ miserationis viscera in
sub-